


CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 7 1940

T 3200/0823.83

14

14



廣德州志卷二十二

哈佛大學漢和
圖書館珍藏印

典禮志

鄉飲

賓興

講約

迎春

風俗

鄉飲

鄉飲酒禮

欽定學政全書開載京府及直省府州縣每歲於正月十
五日十月初一日舉行鄉飲酒禮直省州以知州為主
縣以知縣爲主教職爲司正生員贊禮讀法擇鄉里之
年高有德者一人爲賓次爲介又次爲衆賓前一日執
事者於儒學之講堂陳設坐次司正率執事諸生習儀

至日黎明執事者宰牲具饌主人及僚屬司正先詣學遣人速賓賓至主人率僚屬出迎於庠門之外揖入主居東賓居西三讓三揖而後升堂東西相向立贊兩拜賓坐介至如前儀既就位執事者贊司正揚觶引司正由西階升北面立贊賓介以下皆立贊揖司正揖賓介以下皆揖執事者以觶酌酒授司正司正舉酒曰恭惟朝廷率由舊章敦崇禮教舉行鄉飲非爲飲食凡我長幼各相勸勉爲臣盡忠爲子盡孝長幼有序兄友弟恭內睦宗族外和鄉里無或廢墜以忝所生讀畢執事者贊

司正飲酒飲畢以觶授執事執事者贊揖司正揖賓介以下皆揖司正復位賓介以下皆坐贊讀律令執事者舉律令案於堂之中引讀者詣案前北面立贊賓介以下皆立行揖禮如前讀律令曰律令凡鄉飲酒序長幼論賢良年高有德者居上其次序齒列坐有過犯者不得干與違者罰以違制失儀則揚觶者以禮責之讀畢復位贊供饌執事者舉饌案至賓前次介次主以下各以次舉訖執事者贊獻賓主起席北面立執事者酌酒授主主受爵詣賓前置於席稍退贊兩拜賓答拜訖主

退復位贊賓酬酒賓起執事者酌酒授賓賓受爵如前儀訖各就位坐執事者以次酌酒獻介及衆賓徧賓主以下酒三行供羹執事者以次酌酒飲酒供饌三品畢贊徹饌候徹饌案畢贊賓主以下皆行禮主人司正居東賓介衆賓居西贊兩拜訖贊送賓以次下堂分東西行仍三揖出庠門而退

賓興

附入學

賓興禮每逢鄉試之年知州於七月上中二旬內擇吉餞送科試優等生員赴省應試十日前遣人送柬訂期屆期會僚屬於節愛堂俱蟒袍補服生員俱公服旣至各三揖吏目安席丹墀下命優人做鹿鳴遺意奏曲數闋迨徹饌仍各三揖優人於儀門內張設綵幔作月宮形扮嫦娥一侍女一手執桂叢候生員從月宮過各以一枝予之旣徧知州率僚屬送至西門外濯纓橋畔各飲以三爵飲徧生員畢行知州與僚屬乃反

附
入學

歲科試新進儒童諸生候學憲紅案到擇吉入學屆期諸生之父兄敬具書啟請於知州知州蟒袍補服出堂諸生俱雀頂公服北面三揖候唱名給花紅給徧東西分列飲酒酒三巡北面四拜拜畢諸生仍分東西對向三揖齊下階先詣

文廟前候知州率謁

至聖先師於丹墀下行三跪九叩首禮禮畢齊赴明倫堂迎師既至知州讓教職西向已東向行交拜禮教職復

讓州守西向已東向禮如前諸生乃北面謁師四拜畢拜謝知州先出諸生之父兄乃向教職行拜謝禮又向知州行拜謝禮禮畢陳設酒筵丹墀下優人奏曲俟徹饌各三揖教職及諸生之父兄送知州出庠門諸生之父兄又送教職回署於是各退 建平縣同

講約

朔望日知州出諭講約

或每月一舉行或間月一舉行

於天壽寺大殿

恭設

聖諭牌丹墀下東西對築講臺二座知州會同都司各率

僚屬朝服行三跪九叩首禮分文東武西坐班宣講生

恭詣

龍亭前請

聖諭登臺通贊生贊鳴講鼓開書案講

聖諭俟鳴鼓畢宣講生抽講三條通贊生贊讀律宣講生

抽讀兩條贊宣揚畢講生下臺各官退班

案州境四鄉各保舊着約正約副亦於里社講約明

嘉靖六年知州龍大有立石州前

國朝順治九年設立鄉約申明

欽定六諭文康熙九年頒

上諭十六條十八年浙江巡撫輯為直解繕冊進呈通行

直省督撫照依奏進鄉約全書刊刻各款分發府州

縣鄉村通行講讀雍正二年益以

聖諭廣訓萬言乾隆元年并將

欽定條律刊布曉諭仍令州縣各官董率約正值月勤為

宣講州歷奉憲知照遵行故自天壽寺宣講外各鄉

俱於里社講約今里社講約之禮廢鄉氓或聞州守

出諭競來城於天壽寺聽講焉

附明知州龍大有碑記為申明鄉約以敦風化事

抄蒙欽差總理糧儲兼巡撫應天等府地方都察院

右都御史陳案驗備仰本州遵照洪武禮制每里建

立里社壇場一所就查本處淫祠寺觀毀改為之不

必勞民傷財仍行令各該當年里長自嘉靖五年二

月起每遇春秋二社出辦猪羊祭品依式書寫祭文

率領一里人戶致祭五土五穀之神務在誠敬豐潔

用虔祈報祭畢就行會飲并讀抑強扶弱之詞成禮

而退仍於本里內推選有齒德者一人為約正有德

行者二人副之照依鄉約事宜置立簿籍二扇或善

或惡者各書一籍每月朔一會務在勸善懲惡興禮恤患以厚風俗鄉社旣定然後立社學設教讀以訓童蒙建社倉積粟穀以備凶荒而古人之所謂良法美意率於此乎寓焉果能行之則雨暘時若五穀豐登而賦稅自充禮讓興行風俗淳美而獄訟自簡何待於催科何勞於聽斷而水旱盜賊亦何足慮乎此敦本尚實之政良有司者自當加意舉行不勞催督各將領過鄉約本數建立過里社處所選過約正約副姓名備造文冊各另徑自申報以憑查考其舉之有遲速行之有勤惰而有司之賢否於此見焉定行分別勸懲決不虛示等因奉此除遵奉外今將備蒙案驗內事理刻石立於本社永爲遵守施行嘉靖六年正月吉日立石

迎春

附勸農

立春前一日設勾芒神像併春牛像於東郊知州率僚屬朝服出迎反鎖頭門及抵神前陳祭品致祭行二跪六叩首禮祭畢並詣演武廳後解換蟒袍補服知州出廳書吏班役以次跪叅又選童子四人扮風調雨順四神像至廳前作婆娑狀少頃知州暫退俟廳上列酒筵官僚乃偕出吏目安各官席酒旣行優人奏陽春之曲輿夫先以綵亭昇勾芒神像入城官僚繼之至迎春橋皂隸請匙鑰速詣治前開頭門於儀門首陳設香案安

芒神及春牛官僚至向神再揖次日立春時刻各官仍穿蟒袍補服詣神前行二跪六叩首禮鼓人跪捧鼓請擊鼓三聲知州擊鼓畢偕僚屬脫補服撩蟒袍手執綵鞭繞春牛者三匝各舉三鞭而退

附勸農

每歲春季農務初興知州下鄉勸農日行一鄉四日而徧先擇鄉之大村落併當往來之衝可以聚會各村氓庶者爲勸所知州出役人擔花酒等物以隨旣至設步障几案知州南向坐集農夫牧豎於前諭以務勤而毋

惰諭畢令執事者各簪以花飲以酒食以饅首給以油扇衆等拜謝或有採桑採茶者賞亦如之歸途見有力田而未及領賞者卽爲補給

風俗 節序附

宋潘說記廣德軍禹貢揚州之域也在昔秦并戰國是居

鄣郡唐有天下乃領桃州圖牒雖存井邑屢改寡魚鹽

之利以聚生齒罕林澤之饒以輸公上加之亂離相踵

艸創斯甚好辭少信因而復舊輕死易發習以為常我

朝開基茲土建壘腴地兼倍珍物旁極結宇萬象從茲

宏厥百廛於焉走集被服寬舒盡去乎輕揚之俗舞蹈

參辰中興乎佳麗之地

天聖九年祠山廟記見事要

明一統志

力於田畝不務商賈

漢地理志

民淳事簡號江東道

院

桐汭志

境大壤沃食貨富穰

會鞏鼓角樓記

喜事鬼神

郡志

萬厯志舊志云

案此舊志當指宏治嘉靖二志而言楊門李志及縣志俱作會鞏志日誤

人性

直而好義俗信巫而尚鬼君子業儒術而尚質樸小人崇節儉而力農桑婦女少出戶閭富貴不服綺羅女多溺死男長出分其民喜迎神賽會桐雖僻處山郡而彬彬質有其文先輩典型猶及見之

楊志

吉禮若納采納徵諸儀不遵家禮率以儀文繁麗相

高男不親迎無奠雁之文其嫁女之家甚有破產以營奩飾者故民間生女多不舉雖厲禁不盡除也

門李志同

案州人婚禮先納吉

俗謂之押懇

次納徵

俗謂之過禮

於家禮

亦不盡背至親迎今人已鮮行之者不獨桐川為然也惟溺女舊有此風詢之州人大半亟望生男者為之未必預為奩飾計要皆不仁之甚者屢經前守嚴禁且設育嬰堂以收棄孩溺女之風亦已衰息若破產營奩當時容或有之今雖寒素嫁女必用髹漆雕鏤牀此亦他處所無也

婚日婿家裝綵轎轎中置脂粉羅帕祿衣等物轎門綴以篩鏡婦人具茗果致拜謂之祭轎轎至女家亦如之祭

畢持鏡帕至女室女遽昏暈遂以帕蒙其首飾鏡蔽其面爲沐浴衣飾傅脂粉納轎中皆保姆抱持之女不知也亦有傅粉後始暈者轎行里許送者共喚女或吹銅角以驚之且行且喚待其醒而後反謂之暈轎此俗獨州有之越境卽否或云祭轎舊用酒暈益久因代以茗乾隆三十五年前守恆聞其事謂爲妖禁之不改竊謂祭轎非禮也古遠行始有祖道之祭嫁娶不越境安用祭爲況車輿何神禮垂御輪不聞祭轎欲止妖俗當革淫祀

婚夕戚友送房年長者以果撒帳唱撒帳詞畢酌酒揖新郎勸飲又以酒揖新婦屬保姆勸之長少次第進勸郎婦醉而後已謂之炒房此俗近二三十年間始有之雖不至如抱樸子所云戲婦法然酒客酣營不知限斷則汝南杜士之事安知不再見於今戚友齒尊者遇有此等自當正言戒禁顧反爲之倡導耶抱樸子謂當加以峻刑不爲過也

楊志喪禮無定制稱家有無惟崇尚浮屠相沿不改案浮屠之教惑人以懺悔解脫猶可言也近乃編造佛曲鐘

鉞之中雜以絃管哀死之時淫哇聒耳為傷風敗教之最甚急宜厲禁

楊志葬事酷信形家之說泥忌陰陽致有暴露不葬者希獲福求吉地往往因而構隙故州之訟事惟墳山為多

楊志州人率行宗法族各立長設有祭田族長視族之窮老疾病婚喪無出者助給焉案祭田多而資有餘者取以周恤之其祀自

高會以上有至數十世之始祖者每春秋合享萃老稚於廟中而餽其餘又各有家譜以稽統系案譜約三十年一修族繁

者或二十年一修子孫不肖則削其名其追叙世系率以多為貴有至四五十世者固屬敦本之意然事無左

證恐反滋偽撰之弊有識者不可不知也李志其子孫有不才者不許入祠

謂之革祭

祭田之外又有學田入學者分其租應試者助以費有登賢書上春官者則一歲所入悉資給之故族規之善者雖貧士不患貧焉

楊志民間宴會不尚豐腆肴核數簋賓主結歡而已

案近人宴客強半以豐腆相高視昔所稱殊有異已

程大昌演繁露湖州人事廣德張王不食猪肉言張王曾現身為猪故并剛鬣一牲避之不敢以祭亦不敢食陸

德明日鯀為黃熊東海人祭禹廟不用熊白及鼈亦此意也

案州人奉神最重祠山有不食猪肉者謂之吃祠山齋濮陽模有祠山化豕辨謂好事者因淮南子禹化熊治水事而附會之又云相傳北斗變形為猪唐僧一行於渾天寺掩獲羣豕而北斗遂隱明徐武功奉斗合家不食豕肉及得罪當決忽大風雷電有物如豕者七蹲錦衣堂上因得赦張真君以禮斗得道至今橫山有禮斗臺然則今之不食豕肉亦奉真君所

奉之斗齋耳

居人不論大家小戶皆有浴室男女老少夜必澡洗寒暑無間案吳興掌故集風土類云山中有此不但薪水易給亦資澡水肥田也其俗冬月坐火箱曉起衣着及暮夜臥被必出其中易有鬱熱得水氣散之故少大病桐川密邇湖郡俗多相似云

建平存稿縣距金陵毘陵宣城各三四百里人不見紛華靡麗率皆安土重遷習勤守樸士無囂浮之習民無失業之人書役並治生產雖趨事拙而奉法謹鄉人不能

商賈皆服田力穡終歲麤衣糲食女勤紡績無綾羅簪珥之飾盛暑亦布衣不絺綌紳士鮮紈綺者蓋藏之家屋無丹雘什器疏惡男不爲人僕女不爲人妾鄉間或數十里無屠肆深山之人有老死未入城市者淳和之氣未澆未散此風俗之美也然而士淳而不足於文民勞而不足於蓄其俗之尤敝者莫甚於淫祠五猖七女之屬碁布星羅迎神賽會趕集開場無月不有神會渠率指名科斂賽會之日發屋伐樹莫之敢止分流廟向有此習趕集則彌日連夕會內神器錢債上下交代稍有不清

羣坐逼迫疾不信醫而信巫禱祀齋醮不惜所費苟禁絕淫祀之費藏富於民可禦凶歲轉無益之費延師訓子則人知禮義而文教之鬱興也有日矣

案諸舊州志俱稱建平風俗與本州同卽縣志所載亦無異詞此貢令所言較志更詳雖但指卽俗而言而本州亦未甚相遠卽如桐民耕讀爲業勤儉自如貧不爲僕妾富不畜奴婢客至以子弟供使令其淳樸固從同也至信鬼佞神祠雖不至如貢所云之侈靡然輪值會首迎神至家祭賽浹旬積習相沿亦尙

不免聞更有崇奉一金臉寶藏交代者誠能以貢令所言共相覺悟一遵乎聖人務民義遠鬼神之訓則此邦近古茂美之風有不大啟其文物聲明之盛者耶

節序

附

節序一目始於楊志門李及縣志均無增損今仍據楊志而以觀聞所及者益之

楊志立春前二日城內各坊以金翠繡綺飾兒童裝扮故

事加帷幙衆舁之集天壽寺候贊廳點閱曰演春

案今其事

已廢次日綵仗鼓吹各官至東郊演武廳導勾芒土牛入

城童叟聚觀視土牛形色以占水旱高下宜種勾芒鞋

帽以下忙閒各官宴畢復作鮑老狻猊諸伎

案今宴即在演武廳

鮑老亦存其意而已次日黎明鞭春如制

楊志元日黎明長幼悉正衣冠拜神潔祀祖禰進拜尊長視歲吉所向拈香神廟曰蹈喜

楊志人日以陰晴占稜祥

案田家五行以一雞二犬三猪四羊五牛六馬七人八穀九豈

十棉花十日皆宜晴而人為重故俗於此日占之

或為綵勝以邀吉穀日以陰

晴卜歲之豐歉

楊志上元設燈綴以五綵張於衢鼓吹其下兒童射謎為

嬉十六日城南竹馬高四丈許案各處神祠社廟悉皆

掛燈祝歲有騎竹馬出行者其高以小東鄉小圩保及

八保廟為最馬足至三丈六尺以二長木為之騎者先

繫馬頭尾於腹背登樹顛縛其足於木杪手扶竹竿而

起人代舉其木以行或遇驟風或舉者失手則傾跌致

死聞舊會傷人而其風不息蓋神會中餉以酒肉更釀

錢與之故貪利無賴之人不惜身命為之前守李示禁

而未能革也

田家五行二月八日為桐江張王生日前後必有風雨俗

云請客風送客雨正日謂之洗街雨初十日謂之洗厨

雨案俗謂有風雨及微雪者謂之做生日主歲又云祠

山誕辰東南風謂之上山旗主水西北風謂之下山旗

主旱以是日必有風雨故俗號云云案州人又謂祠山誕辰係二月十一日故遠近進香之人自初八日為始紛還而來過二十日始漸止而尤盛於十一日

楊志春社日祀社以祈有年花朝士女踏青

上巳日士女各簪薺菜花

案楊志稱士女臨溪浣濯效古修禊事今已無之故不錄

楊志清明日掃先塋祭祖廟案是日家家插柳枝於門老幼首簪嫩柳族姓各以紙錢繫祖禰之墓設酒饌用鼓樂迎導至墓以次羅拜名曰標祭亦曰飄祭分給子孫烘餅謂之清明餅既歸復祭於宗祠萃老幼而共餽其

餘謂之吃清明又各備牲醪祀神以粉作虎列其間祭畢以刀剖虎謂之退白虎

楊志四月八日寺院以香水浴佛設供家製青精飯

案州有樹

其葉可染米名曰黑飯樹即南燭也居人於是日造黑飯互相饋遺南燭詳物產

州人以四月十五日為城隍生日市人迎賽遞歷四城四日而徧優人演劇或至匝月

楊志午日戴艾虎懸朱符繫綵絲於臂為長命縷角黍相餉屑菖蒲泛雄黃酒以辟五毒

六月六日神會有袍者出曝之仍設牲醪以祭

楊志七夕曝書辟蠹夜設瓜果於庭穿針乞巧

楊志中元祀先寺院設盂蘭盆會案是日農人以牲醪祀田公地母於田畔

中秋以月餅相餉欲子者於此夕乘月摘南瓜為夢熊之兆併有摘得瓜用鼓吹爆竹以送姻戚者

楊志重九祀祖禰於家廟採茱萸製蓬餌攜酒登高十月晦日以糯米作糍團供神并餉姻戚

楊志長至日官民俱相賀案是日祀先

楊志臘八日百果和米作粥案各寺院為之

楊志小除日家祀竈神置細艸蒸菽為竈神芻馬案今俗

謂臘月二十四日竈神上天或先一日或本日設粉團糕餉祀之又剪艸撒豆於空中以飼神馬謂之送竈

楊志除日徧饗諸神男女坐而待漏曰守歲夜爆竹達旦

案是夕陳設粉團糕果祀竈神謂之接竈家懸先世遺像祭之

建平縣節序同

廣德州志卷二十三

職官志

守令三武職

宦績二封爵



因事設官量能授職官秩有崇卑職任無大小也廣德始爲縣後爲軍路今爲直隸州階品案寮雖各不同其於理民一也顧在五季之前可考者十不得一宋景德以後始可比次而書舊志脫漏既多序復紊亂甚至宋縣刪去廣德令丞雜入知軍建平諭訓簿尉位置忽更今據史傳逐條釐定且爲斷代分疏其循聲懋著者詳之宦蹟或事實失傳而口碑未泯卽係於姓名之下俾

覽者有所觀感焉

守令 一 僚屬 教職

宋以前守惟陳詳張遂施世瑛及五代鎮遏使渦信四人令長亦不過二十人自太平興國間升縣為軍領縣二然後守令可得而詳焉顧有總率者即有參佐者唐之顧蒙趙隨即其人也宋制軍帥有判倅貳郡政裁決可否與長官通簽書施行所部號曰通判亦曰簽判概謂之幕職參錄謂之諸曹縣令有丞以幕職官或知縣人充簿尉亦由朝命至教授名昉於

宋元祐後列郡各置教官由中書門下選差紹興間詔不許兼他職元改軍為路僚吏滋多而以教授司獄以下屬總管明改路為州以吏目為州屬典史為縣屬其儒學訓導洪武二十四年定制位在雜職上累朝史志稍不同而要皆統領於守令惟治民訓士職守稍殊故依舊志之例以僚屬教職分繫其下云

漢

漢書百官表縣令長掌治其縣萬戶以上為令減萬戶為長皆有丞尉續漢書百官志大者置縣令一人其

次為長

案萬歷志云漢高帝置故鄣縣令丞尉各一人光武置廣德縣令長丞尉各一人楊門諸志因

之考續漢志注引應劭漢官云荆揚江南七郡惟臨湘南昌吳三令桓帝時以江南陽安為公主邑改為令主薨復故然則終兩漢之世故鄣廣德不得有令也況費鳳呂蒙具有明文乎佐吏宋以前惟唐趙隨顧蒙可考餘並闕今畧摘史文存歷朝官制焉

故鄣長

費鳳 字伯蕭丹陽烏程人順帝末試守故鄣長詳宦績 舊志失載今增

三國吳

沿漢舊所異者察戰等名耳沈隱侯嘗言三國無志置縣不書不若闕如為得也

廣德令

呂蒙 字子明汝南富陂人獻帝建安八年領廣德長詳宦績 案吳志孫權傳建安八年權使韓當

周泰呂蒙等為劇縣令長則知蒙于是年任也權至建安二十六年始改年黃武似宜列蒙于漢末但是時江左雖奉漢朔其地已非漢有故直繫于吳

張純

字元基吳郡吳人大帝嘉禾末廣德令祀名宦詳宦績 案南畿志三國令有張純萬歷諸志皆以為漢光武時人誤辨見後

晉書百官志縣置方畧吏四人大縣置部尉二人次

縣小縣各一人 案舊志稱晉置廣德縣令長丞不知所據

廣德令

無考

案南畿志於晉列故鄣令裴松之今考故鄣自吳孫

皓後已屬吳與非漢丹陽之故鄣 說詳宋書松之傳沿革

言晉義熙初為吳興故鄣令在縣有績是也吳興掌
 故集宦業類載故鄣令三人松之及齊邱寂之陳陰
 鏗而于鏗任故鄣下自為說云故鄣只今安吉孝豐
 地蓋亦恐人混為漢之故鄣也南畿志於齊亦列邱
 寂之萬厯等志復誤邱為宋令又添一柳靖注云河
 東聞喜人為郡守此郡不知所指今並削去

宋 **宋書百官志**署令千石者第六品六百石者第七品

署長八品丞尉九品

廣德令

王

蘊

字彥深小字阿益瑯琊臨沂人揚州刺史景文
 兄子也家貧為廣德令泰始二年輔國將軍行

會稽郡事孔覲與吳郡太守顧琛吳興太守王曇生
 義興太守劉延照同反太宗命建威將軍沈懷明等
 討平之初曇生遣寧朔將軍沈靈寵率八千人向黃
 鵠嶠欲候道出蕪湖迎接南軍蘊發兵據險靈寵不
 得進屯住故鄣曇生既走靈寵乃與弟靈昭等率偏
 裨以下十七軍歸順太宗嘉之擢蘊鎮東參軍事率
 所領東討時尋陽內史行江州事鄧琬亦同叛逆遣
 輔國將軍豫州刺史劉胡率眾屯鵠尾轉軍赭圻太
 宗慮胡等或于步路向京邑使蘊將千人防魯顯事
 寧封高陽縣男累官至湘州刺史順帝初以謀逆誅
 見宋書明帝紀王景文孔覲
 鄧琬等傳 舊志失載今增

案蘊在任有戰功以史稱其輕躁薄行所蒞貪縱又
 以逆伏誅故不入宦績

綏安令 附

巢 遂

太宗泰始二年義興太守劉延照反諸縣令惟遂秉節不移不受偽爵見宋書孔覲傳 舊志

失載今增

齊 南齊書百官志縣令相

案此據為國者言也萬歷等志列石封縣令尉無考不錄

廣德令

韋 叡

字懷文京兆杜陵人齊初廣德令詳宦績

劉懷慰

字彥泰平原人太祖時廣德令舊志失載今增詳宦績

蕭靈鈞

南蘭陵人齊末廣德令詳宦績

梁 隋書百官志梁制大者為令小者為長皆置丞尉縣

吏有書僮武吏醫迎新送故等員各因其大小而置焉

陳承梁皆循其制案萬歷諸志云梁置大梁郡太守一

人餘闕陳置陳畱郡太守一人餘闕考梁末割故鄣廣

德置郡雖未明言治所而隋志已云立郡於綏安則郡

守治廣德可知今考補之互詳沿革

廣梁郡太守

陳 詳

字文幾隨陳高祖定京邑從平杜龕躬下安吉原鄉故鄣三縣以功授散騎侍郎假節雄信將

軍青州刺史資割故鄣廣德置廣梁郡以詳為太守又為陳畱太守封遂與縣侯後都督吳州與周迪戰

敗死之見陳書本傳

廣德令無考

綏安令附

徐僧權

見隋書經籍志舊志
失載今增互詳沿革

陳

陳畱郡太守

陳詳

世祖時
任詳前

張遂

世祖時任時周迪等反叛陳寶應助之遂奉詔
隨都督章昭達討寶應為周迪所敗與陳詳俱

戰死見陳書周
迪陳寶應傳

廣德令無考

隋

隋書百官志

縣置令丞尉正光初功曹功初主簿等

員九十九人其縣分上中下九等以次減

綏安令

無考

唐

新唐書百官志

上州刺史一人別駕一人上縣令丞

主簿各一人尉二人

桃州刺史

施世瑛

浙江安吉人隋大業中天下擾攘乃率宗族鄉
隣弟子聚糧自守聞高祖起兵率眾歸附拜桃

州刺史賜賚優厚本明一統
志案舊志世瑛訛世英

案顏魯公石柱記有施世瑛金鐘鄭元慶箋釋引舊

唐書云世瑛字玉華安吉人家世農不親襍種喜騎射云云唐興歸附積功拜洮州刺史與此作桃州者異考新書地志有洮州無桃州洮州隸隴右道開元十七年始廢桃州附見宣州下宣州隸江南道注云武德三年以綏安縣置桃州即今廣德七年州廢據此則世瑛當為洮州非桃州矣但明統志載之舊州志皆然不宜徑削姑仍之

綏安令

潘

晃

天寶中令見南畿志晃本縣吏以禱雨京師命為令見祠山事要舊志失載今增

廣德令

韓

歆

殿中侍御史出為廣德令本萬曆志

案李白送韓侍御之廣德令詩云昔日繡衣何足榮

又云酣歌一夜送泉明

全首載藝文

又至陵陽山登天柱

石酬韓侍御招隱黃山詩云天子昔避狄與君亦乘

驄擁兵五陵下長策馭胡戎時泰解繡衣脫身如飛

蓬蓋其人當天寶時嘗立勳名而後甘恬退故白以

陶潛比之楊齊賢注太白集不詳侍御之名近王琦

注則以為南陽韓雲卿文公之叔因據太白武昌宰

韓君去思頌碑云雲卿文章冠世拜監察御史朝廷呼為子房皇甫湜文公神道碑云先叔父雲卿當肅代朝獨為文章冠李翱韓君夫人韋氏墓誌云雲卿好立義節有大功於昭陵其文章出於時而官不甚高韓愈科斗書後記愈叔父當大歷世文詞獨行中朝昌黎集注雲卿上元辛丑特進鴻臚卿兼御史中丞終禮部侍郎謂翱所稱有功昭陵與白詩意適合知為雲卿無疑今考萬歷諸志皆以為韓歆相傳當自有據而細核王注所引碑誌俱盛稱雲卿文章何

太白詩中絕不一及是終不能無疑也但唐書宰相世系表韓氏殿中侍御史二人曰舉曰鐔而無歆名附存之以備參考又王琦太白年譜乾元元年即至德三年白送韓侍御之廣德詩為是年以後之作此說得之

張

河南穀熟人由明經任廣德縣令見太平廣記舊志失載今增

案廣記引獨異志云李源

住洛城北惠林寺遇一挾彈少年曰武十三與同舟東行及宋之穀熟登岸訣別源驚訊之武曰某非世人也為國掌陰兵百餘年凝結此形今夕託質於張氏為男子十五得明經後終邑令我後七年復與君相見言訖抵村戶執手分袂既而張家婦誕一男源放跡聞南累載還省前事復詣村戶見一童貌類武

者呼曰武十三相識耶答曰李七健乎後憲宗徵源
為諫議大夫不起張終于宣州廣德縣令考新唐書
李源傳徵諫議在穆宗長慶初然則張以明經為邑
令其事當在穆宗之世惜名字無考朱州穀熟縣屬
河南道亦見
唐地理志

劉素 廣德縣令兼御史大夫上柱國見萬曆志

趙容 廣德縣令見萬曆志

萬敬忠 昭宗乾寧二年令見嗣山
事要 舊志失載今增

趙信 昭宗光化三年令見宋開寶三年李約所撰
瑞峯永安竹山禪院記 舊志失載今增

廣德丞尉

顧蒙 吳郡人進士咸通七年攝廣德丞見嗣山事要
重修西廟堂記內稱邑大夫林公惜其名無考

載今增 舊志失

趙隨 五經登科授廣德尉
韋應物有詩送之

五代吳

廣德鎮遏使

渦信 通鑑均王乾化二年五月吳遣宣州副指揮使
花虔會廣德鎮遏使渦信屯廣德為吳越錢傳

權所殺互詳兵寇
舊志失載今增

廣德令

劉昶 天祐十年令 以下舊志失載今並據嗣山事
要增 案梁太祖于唐天祐三年改元開平吳

王楊渥仍稱天祐至十
六年隆演始改元武義

余審象 一作徐象讓皇楊

姚嗣駢 讓皇太和三年令

夏時 太和三年令

廣德主簿

滕傳裔 讓皇太和七年主簿見祠山埋藏記

五代南唐

廣德令 無考

案南畿志載南唐置廣德制置使不及令尉 萬歷諸志並同
考制置使不見於馬令陸游二書祠山事要保大十

二年有制置使郭延沼亦不連廣德字據十國春秋

職官表制置使在節度使之下觀察使之上廣德時

尚為縣不應有制置使當仍吳舊設鎮遏使然不可

考矣州北二十里鎖山寺舊名安國寺有石刻經幢

八面皆勒經文後署將仕郎守尉金峻將仕郎守尉

孔擢文林郎守尉殷湘文林郎守主簿周拭攝丞文

林郎守文學孔詒鎮遏使兼監察□□□□ 四字漫 李

不書名下漫 弟子張逖楊師建等募眾緣造佛頂尊勝隨

羅尼幢一隻於安國寺殿前豎立奉為國王帝主州

縣案察及諸助緣弟子四恩三友法界有情同霑

□□□漫數字登仕郎漫令費固攝廣德縣令朝請郎

行錄事參軍韋不書押司錄事施泐孫展市令張師

度馮傳以下俱僧及諸助緣姓名數十人無勒石朝

代年號觀其序國王於帝主之上遇唐諱皆闕筆知

必南唐也列銜先尉次簿次丞而鎮遏使不名以卑

者在前尊者在後其下又即繼以弟子張逃云云疑

此是鎮遏使吏民主募造之事故專歸美焉所謂州

縣案察者時廣德縣隸宣州而攝令之錄事參軍意

必寧國軍也令亦不名其前應有尉簿而字漫不可

辨市令一官亦惟唐有之惜不著年代未便臚列亟

錄於此俾嗜古者共寶焉

宋

宋史職官志宋初分命朝臣出守列郡號權知軍州

事軍謂兵州謂民政焉其後文武官參為知州軍事軍

置一人掌總理郡政凡屬縣之事皆統焉通判建隆初

大郡二員餘置一員掌倅貳郡政元符間通判有兩員

處減一員後旋添差之諸曹官錄事參軍戶曹參軍司

法參軍司理參軍

案萬曆諸志云通判參軍各一人考

糾諸曹稽違戶曹掌戶籍賦稅倉庫受納司法掌議

斷刑司理掌訟獄勘鞠之事據舊志錄事司戶司法司

理皆有其人何教授景祐四年藩鎮始立學慶曆四年

得止云一人也諸州軍各立學學者二百人以

黃德州志

卷二十三

守令

七

寧六年諸路教官委中書門下選差至縣令案廣德建
 是始命于朝元祐後列郡各置教官平宋時皆
 為望縣萬厯諸志俱云置建平縣知丞初不置熙寧四
 縣一人丞一人而不及廣德何也年戶二萬已上
 增置丞一員崇寧開寶三年千戶以上置咸平四
 二年縣並置丞年後江南諸縣各增置主簿
 尉建隆三年置尉
 一員在主簿下

廣德軍

知軍事

崔

憲

景德二年任萬厯志云由監察御史出知軍事
案志無任年列在李異後楊門志並同文獻
通考郊社考云景德二年知軍崔憲請量給絹完葺
祠山廟宇則舊志之外可知今移以弁首互詳祠祀

案廣德升軍在太平興國四年越五年何夷素作廣

德王後殿記云宋克吳之後屢除才幹寮佐理是邑

天子以民繁地廣北往金陵西經句水皆川塗稍遠

不便民務遂詔改軍然則宋初守令必多可紀萬厯

諸志皆首景德三年成悅距改軍已二十八年矣祠

山事要載湯景仁功德紀遺記稱國初樊昭慶者嘗

為郡官檢萬厯志崔憲後有樊昭以大理寺丞出知

軍事而無任年疑即樊昭慶而脫其字又誤列于後

也然湯記亦未詳其所歷何官無可徵考故仍舊志

繼以成焉

成悅

字以道景德三年權知軍事
德三年九月重建廣德王廟記題銜承直郎守
秘書省著作佐郎知軍事借緋
成悅撰萬厯志制作郎誤

案祠山事要云題名記成悅景德三年六月到合後

趙亮夫時康祖則知當時軍帥縣令俱有題名且明

載涖任滿任年月桐汭志當必詳之惜記無復存而

桐汭志亦早佚今以萬厯志為本而刺取軼見他說

者著為此錄其純用原文者仍注云見萬厯志

梅

詢 字昌言寧國宣城人由池州團練使知軍事祀名宦祠詳宦績

袁旦

字文明汝南人天聖九年由曹郎出守見祠山事要

王 渙

屯田員外郎出知軍事見萬厯志
案梅詢有送王渙出守詩相去必不甚遠舊志乃列之南

宋魏峴後誤

劉卽中

字與權康定間任舊志作慶定誤宋無慶定年號

呂士宗

康定中以虞部郎中任舊志亦誤慶定

楊 備

進士嘉祐四年由虞曹郎中任見祠山事要

錢公輔

字君倚江南武進人進士治平二年任祀名宦祠詳宦績

朱壽昌

字康叔泗州天長人治平四年任熙寧初以求母去後復任詳宦績

孫 覺

字莘老揚州高郵人熙寧三年由審官院出知軍事詳宦績

葉昌齡

熙寧十年朝奉郎尚書上護軍賜緋魚袋屯田郎中權知軍元豐三年修靈濟王廟見胡庶碑

萬曆志作朝散郎誤

杜翊 元豐四年任 舊志失載據祠山事要增

案萬曆等志失載者甚多今據祠山事要諸書增入

後凡注據事要增者同

邵材 元祐元年以監察御史謫任 案邵材見萬曆志及祠山事要並作知軍李志列入參軍誤

賈易 字明叔無為州人進士元祐二年由左司諫謫任詳宦績

上官均 字彥衡福建邵武人熙寧三年進士官殿中侍御史元祐五年疏論呂大防蘇轍不合謫任詳

宦績

陳知止 元祐間任 案萬曆志誤在邵材後

孫諤 字元中河南睢陽人進士紹聖間以言事忤時相謫任入名宦祠詳宦績

陳次升 字當時福建仙遊人紹聖間殿中侍御史極論章惇蔡卞之奸為其所擠謫任宋史有傳

程京 崇寧初任 舊志失載據湯景仁祠山功德記增

王安國 崇寧丙戌權郡 據事要增

張兢辰 蜀人大觀元年以朝請郎任見事要

陳禾 字秀實明州鄞人元符進士累遷給事中劾童貫黃經臣奸引落帝裾被謫政和初起知軍事

宋史有傳

常安民 政和三年以通判攝守見事要詳通判

胡仲修 宣和二年任 據事要增

程不器 宣和三年任案事要載題名云程不器

周烈 建炎初任萬曆志云金將

吳悅 朝奉大夫紹興初任見萬曆志

李健 紹興初任見事要萬曆志誤在

湯鵬舉 鎮江府金壇人紹興五年任累官參知政事詳宦績

錢觀復 紹興間任詳宦績

洪興祖 字慶善鎮江府丹陽人紹興中駕部郎言事不合主管太平觀起知軍事後知饒州祀名宦祠詳宦績

鮑延祖 紹興十一年任舊志誤載邢恕後據事要改

魏安行 紹興十三年任收糧俾民自解民德之見萬曆志

胡彥國 紹興十九年由朝散大夫任案萬曆志

王綸 字德言江東建康府人紹興五年進士二十四年為御史言事忤秦檜謫任未幾入為樞使

曹紱 福建延平人紹興二十二年事要載題名云紹興二十五年九月到十二月召宋史有傳

王葆 紹興年任案事要云紹興二十六年丞相周

劉之衡 衢州龍游人端明殿學士章之子淳熙元年由御史檢法出守舊志失載從宋史劉章傳增

趙希仁 宗室燕王房字山甫紹興庚辰進士淳熙四年任修大成殿見宋史及萬曆志

稱承議郎權知廣德軍兼管內勸農營田與萬歷志
所載張廣銜同而與宋初成悅異考宋史職官志真
宗景德三年請少卿監為刺史閤門使以上知州者
並兼管內勸農事及通判並兼勸農事則就其本官
為別也

耿秉 常州江陰人承議郎淳熙七年任詳宦績

張廣 淳熙中由朝散大夫任兼管勸農營田事建勤
政堂案張廣楊門等志作張鑛誤今從萬歷

志又案揮塵餘話彥實知軍
當在高宗時名擴字彥實

趙亮夫 宗室高密郡王房
淳熙十一年任

〔案〕事要載題名記云趙亮夫淳熙十一年十二月到
任十三年十二月滿萬歷志亦明注任年意當日題

名必有碑刻今不復有知者矣亮夫子時俊侍親之

官

杜克用 由虞部員外郎出知
軍事見萬歷志下同

李異 由太常博士
出知軍事

樊昭 以大理寺丞
出知軍事

丁遜 以太常博士
出知軍事

鮑當 以太常博士
出知軍事

〔案〕萬歷諸志李異後列崔憲鮑當下列魏峴王渙此
灼知其誤者徑為改定樊昭當即樊昭慶說已見前

就王渙推之杜李諸人疑皆前乎成悅而題名無任
年者故錯出于此耳

呂成務

由殿中丞
出知軍事

龔會元

由都官郎中
出知軍事

向澤

由駕部員外
郎出知軍事

胡撥

由太常博士出知軍事
案楊門等志誤作胡揆

蔡少水

由都官郎中
出知軍事

邢恕

承議郎出
知軍事

案杜克用至此十一人萬厯志俱無任年諸志因之

今考王葆于高宗二十六年丙子任至孝宗淳熙元
年甲午劉之衡相距十八年其中必有脫漏自淳熙
十一年甲辰趙亮夫至寧宗慶元二年丙午魯奩相
距止十五年不應有十一人又必有舛錯無可考正
悉仍其舊書之

魯奩

慶元二年任見萬厯志詳宦
績案祠山事要作曾奩

陳眩

慶元中任建藏書閣彝教堂增葺戟門
廊廡州中人士咸頌其功見萬厯志

王介

字元石浙江金華人進士慶元中任詳宦
績案萬厯志誤列薛極後趙彥誠前

會槃

嘉泰三年由朝奉大夫任嘗砌磚路自東
門至張王祠下植松夾石路旁見事要

錢端厚 嘉泰四年任見事要

薛極 字會之常州武進人開禧元年任後官參知政事見萬厯志詳宦績

魏峴 嘉定八年任時民困于饑荒峴坐視無策遭臣真德秀專任教授林庠賑濟峴反劾其侵官德

秀疏黜之見萬厯志案萬厯諸志誤在鮑當後楊門等志刪去小注止載知軍事三字尤非

謝采伯 右丞相深甫子嘉定初自春陵移任據事要增

皇甫延 嘉定八年任據事要增

趙彥誠 宗室高密郡王房奉議郎嘉定十一年任見萬厯志及事要詳宦績

謝方叔 字德方威州人嘉定間進士由監察御史謫任祀名宦祠詳宦績

袁君儒 寶慶二年任據事要增

張鳳 紹定中朝議大夫出知軍事時朝政多闕鳳連奏之見萬厯志

趙汝戲 朝議大夫紹定二年任舊志作汝戲據宋史改

俞杭 紹定三年任案舊志入佐貳事要稱是年州守或攝軍事也今增

林棐 朝議郎紹定四年任詳宦績

石倫 正倫父事要云紹定六年正倫侍其父守桐川今據增

茅革 滁州全椒人詳宦績舊志失載今據南畿志增

陳熹 嘉熙三年任見事要案萬厯志誤作時熹嘉熙中知軍楊門等志又誤作開禧中考周秉秀

輯祠山事要親親陳守禱雨事記于卷末在嘉熙乙亥今姓從事要年從萬厯志

陳應龍 三山人淳祐中任見萬厯志下同

吳子明 淳祐中任

趙時彌 寶祐五年任 案宋史宗室表有二時彌並出廣平郡王房一為庫夫子一為歛夫子俱不言

知廣德軍未

陳元貞 浙江湖州人開慶中教授廣德時添設差役民苦煩勞元貞處置得宜民用不擾遠近咸服其

仁廉云見

萬歷志 **案**萬歷志陳元貞列知軍楊門志因之而刪其注李

志仍錄注而移入教授蓋因注文有教授字故也但

萬歷志自有教授一門並無元貞疑元貞以教授攝

州事者宜兩存之為是

常懋 字長儒浙江海鹽人淳祐進士咸淳年任詳宦績

賈藩世 似道從子咸淳年任 案萬歷志俱作賈藩今從宋史黃震傳

尤棟 號率齋十歲通五經景定三年進士以秘書正字出守廣德不樂吏事告歸二子燾照高隱能

文見尤侗述祖詩注

呂洸 咸淳年任見 舊志失載今增

史舜卿 咸淳間任

史景阜 浙江鄞縣人咸淳年任

曹 失名 舊志宋末知軍無曹姓者 案文天祥有送曹大著知廣德軍詩今據文山集增

趙與慄 浙江瑞安人咸淳乙丑阮登炳榜進士知廣德軍 舊志失載從齊子南温州府志增

令狐槩 德祐元年任三月丙戌以城降于元四月庚申除名配鬱林州牢城籍其家 舊志失載從采

史增

張濡 德祐元年以殺元將廉希賢等功任後為元人所害詳宦績 舊志失載今從元史增

通判

案萬厯志守倅令佐統列宦籍楊志則以軍州守另敘而歷朝佐貳自判參以及廣德縣令佐皆雜入焉門李因之官階不別等列無分殊乖體例今各為區別如左

劉夔 字道元建州崇安人以進士出判廣德軍事見萬厯志

案宋史職官志知州軍事者二品以上及帶中書樞密院宣徽使職事稱判然則通判不得稱判廣德軍事明矣仍之雖無害而名例不可不知

林獻卿 元祐三年軍簽見事要 案萬厯志元祐中入為參軍據事要屢稱軍簽則判官也

榮幾道 紹聖二年軍簽據湯景仁記增

常安民 字希古四川邛州人進士政和二年由御史謫任嘗作張王行狀自署朝散大夫詳宦績

王儔 本軍人建炎四年殉難祀忠義祠詳宦績忠烈傳

李唐俊 本軍人祀忠義祠詳忠烈傳 萬厯志誤李庚俊楊門志誤康俊

何處泰 紹興五年任見事要

錢肅之 紹興三十二年間任見事要

案萬歷諸志佐貳門此下有時煜隆興中為廣德倅

此因詹仁澤祠山家世編年而誤也 **事要**載顯應集

云案題名時康祖乾道六年為建平宰九年滿待永

嘉倅闕時感疾夢王授神方而記其事者乃尉曹名

煜耳編年記尾有煜字遂誤以為倅時煜也今據以

刪之

熊彥昭 淳熙中任詳宦績

吳潛 字毅夫宣州寧國人嘉定十年進士第一授承事郎簽判廣德軍端平中忤時相罷奉祠淳祐

中入相忠亮剛直卒贈少師宋史有傳
案萬歷志無吳潛楊志始有之注云僉判

高應松 進士寶慶中任後遷國子監丞從瀛國公不食而卒宋史有傳

趙善璪 紹定三年任據事要增

范鎔 浙江金華府人紹定五年任 **案**萬歷志云嘉

定中由朝散郎為參軍據事要紹定五年重建祠山廟記稱朝散郎通判廣德軍兼管內勸農營田

事范鎔撰并書嘉定係寧宗年號距理宗紹定相去二十餘年又銜題通判

趙善教 案萬歷志云熙寧中判軍事列嘉定中參軍范

鎔後紹定中俞杭通判前考熙寧為神宗年號不應在嘉定後或善璪之

俞杭 紹定中由朝議大夫任見萬歷志

張 侃 嘉熙三年任 據事要增案事要稱倅張侃 添倅趙與忍蓋元符後制所謂添差通判也

趙與忍 嘉熙三年任 據事要增

吳 炳 浙江永嘉人 寶祐癸丑姚勉榜進士 廣德倅 據溫州府志增案癸丑為元年則炳任當前于

君擢

吳君擢 寶祐五年任 據事要稱為添倅今增 據事

李吾權 寶祐中任 見萬厯志

莊彌邵 景定二年任 據事要增

唐 震 字景實 浙江會稽人 咸淳中任 詳 官績 舊志失載 據癸辛雜識增

黃 震 字東發 浙江慈谿人 寶祐 進士 咸淳間任 詳官績

參軍

范仲淹 字希文 蘇州吳縣人 祥符八年進士 授司理 參軍時姓名為朱說 祀四先生祠 詳官績

朱 玠 字汝玉 司戶參軍 見萬厯志下同

朱嗣孟 樂平人 進士 司戶參 軍 祀忠義祠 詳官績

潘 偶 本軍人 司法參軍 祀忠 義祠 詳官績 忠烈傳

徐 珪 大觀中攝參軍 據事要增

湯 迪 紹熙元年司戶參 軍 據事要增

董 槐 字廷直 定遠人 嘉定進士 淳祐中錄事參軍 詳官績

李世弼 咸淳中錄事參軍 見萬厯志下同

趙時踐

司戶參軍攝建平縣事
德祐年殉難詳宦績

教授

洪材

元祐年任
見萬曆志

沈璿

吳興人左從政郎紹興九年任見事
要案萬曆等志俱作璿事要作濬

杜炎

為軍學教授學行
著聞見萬曆志

汪藻

字彥章江西德興人由進士
任後為翰林學士宋史有傳

周淳中

字仲古温州瑞安縣人及進士第教授全州又
教授廣德軍歷官淮東安撫使參議乞主管建

寧府武夷山冲佑觀淳熙十六年卒葉適
志墓

趙汝談

浙江餘姚人進士淳熙中汀州教授
改廣德軍後權刑部尚書宋史有傳

蔡幼學

浙江瑞安人年十八試禮
部第一淳熙中任詳宦績

謝彝甫

浙江天台人慶元中任
修學有功見萬曆志

林庠

國子監博士登進士
嘉定中任詳宦績

樓鏞

嘉定中任
見萬曆志

趙子直

浙江於潛人嘉定開進士紹定五年教授撰桐
汭新志二十卷見杭州府志案書錄作錢塘人

紹熙五年任較前四十四年據稱林棐序林任在紹
定四年與趙同時杭志是也文獻通考作紹興尤誤

韓起焱

本軍人淳祐中任
見萬曆志下同

陳元貞

開慶中
任詳前

湯懷宗

本軍人貢士任本軍教授
舊志失載據萬曆選舉志增

謝夢祥

咸淳中任

趙良鈞

新安人宋末進士及第授修職郎廣德軍教授宋亡不仕以春秋教授鄉里其門人俞臯春秋

集傳釋義大成俱本其說吳徵為序舊志失載據經義考增

蔣授

萬曆志嘗作學諭示諸生

學錄

案宋史職官志無學錄據祠山事要增

蔣永達

案祠山事要有軍學錄蔣永達約在淳熙前後舊志失載今增

案校官職司教導位在賓師今依史志斷代列此與

知軍不相統也後倣此

廣德縣知縣

案宋時廣德軍領二縣史有明文乃萬曆諸志祇載

建平縣令而廣德令范師道石公弼韋績曹灌壽王

汝翼五人縣丞蔣夔主簿陳天麟或混列知軍或雜

入歷朝佐貳中覽之一似並無廣德縣者殊屬疏謬

今特詳考宋史旁搜遺書為正其例補其闕焉

范師道

字貫之進士除知廣德縣仁宗時任詳宦績

趙子初

太祖裔宣教郎熙寧十年授廣德知縣居焉見李志封爵門案李志云元豐三年封廣陽王

賜第廣德軍考宋史宗室表燕王房楚國公崇信生少師華國公世明世明生武德郎令恣生宣教

郎子初不言其封王乃其知縣則李志當有本也今增

石公弼 字國佐進士崇寧中任知縣詳

崔彥博 博陵人至和中任

張端彥 宣和中任禱祠山退

韋績 建炎末權知縣事與王儔等同死戚

葛師望 進士紹興年宰廣德洪興祖之外舅年四十登

吳瑛 紹興三年任

趙公健 紹興二十年任

曹惟日 嘉熙三年任

曹灌壽 嘉熙中任見

王汝翼 建平人德祐年為廣德令元兵

案建平存稿論衛志各條俱有所見乃于王汝翼獨

云職官中無此人宋元之間無廣德縣且與趙參軍

同時死節是一事兩人也此未嘗考史并不見萬歷

志也

廣德縣丞

蔣夔 建炎中任死戚方之變祀

馮煥 迪功郎嘉定中任值歲旱蝗賑濟本軍檄往平

戶盜糶官米七十餘石煥為監臨不能檢察轉運副

志失載從真
西山文集增

廣德縣主簿

姚舜諧 進士嘉祐年任祠山事要有姚修殿記稱嘉祐
己亥舜諧佐邑三載不知為丞為簿尉也 舊

志誤入州佐
今移編于此

陳天麟 進士紹興中
任見萬厯志

芮國瑞 南渡後人調桐川簿人皆以詩餞之倪偁曰吾
與子不交以面而交以心芮曰珠玉之贈不如

藥石之賜偁字文舉居吳興錦山下有學行受業張
橫浦之門見彭大翼山堂肆考 舊志失載今增

廣德縣尉

柴純臣 元祐二年任
據事要增

王 璽 嘉泰三年任郡有傷神祠角觝者必祭以乞靈
嘗附亡卒沈滌自稱李太尉誑惑流俗二十八

年至是璽奉郡檄毀之
并捕姦黨 據事要增

袁洪寬 池州青陽人登嘉定戊辰進士鄭自
誠榜任廣德副尉 據青陽縣志增

周 謙 字遜之鳳陽人咸淳中任守官如水卒于任州
人為其子治第城北今查下里周氏其裔也

據周氏
家乘增

廣德縣主學

無考

建平縣知縣

案萬厯志不載建平令佐楊門等志始另為一卷然
亦甚畧蓋本縣志書之今以楊志為主詳為考補并

注所出焉

成著 天聖七年任

張穎 河南永安人進士第終建平令女為仁宗貴妃追冊皇后諡温成 舊志失載從采史后妃傳

增

李一旦 大觀間任

蘇十能 紹興間任

周倚 隆興間任

時康祖 乾道六年任九年陞永嘉倅詳前通判 據事要增

盧彥德 淳熙元年任

葛採 慶元間任

章一璧 字君玉福建人寶慶元年任詳宦績

袁君儒 紹定間任

惠孔時 紹定間任

施德懋 浙江會稽人端平間進士典縣事詳宦績

徐紹孫 端平間任

趙時踐 字容月寓居采石為廣德軍參軍德祐元年攝縣事殉難祀名宦祠詳宦績

建平縣丞 無考

建平縣主簿

李憑 天聖間任

建平縣尉

煜 失其姓淳熙五年任即為時康祖記夢者乾道六年庚寅越九年當為淳熙五年戊戌也據事

增要

趙善興 淳熙間任

王君擢 德祐元年任為元人所虜

案王尉即繆寔起趙參軍傳所稱同登縣樓椎鼓示暇者也元史高興傳云虜知縣事黃君濯由間道奪獨松關官與姓名俱訛然寔起不言君擢之死則被

虜信也元明善撰高興神道碑亦云獲知縣事黃公濯而又訛君為公

建平縣主學

吳經 隆興間任

陳夢常 德祐元年任

烏希聖 浙江烏程人德祐年任秩滿即世居縣治見李志

案烏希聖楊門志無之據李志云秩滿德祐二年正月宋已亡矣烏之秩滿將在元世乎

元 元史百官志 諸路總管府至元初置下路 二十年定

上者為上路十萬戶之下者為下路廣德為下路 置達魯花赤一員總管一員

秩並從三品 同知判官各一員 俱至元二十年置 推官經歷各

一員 以下俱至元 知事一員 或二 照磨兼承發架閣一

員司吏 無定制 譯史通事各一人司獄司司獄一員丞一

員平準行用庫提領大使副使各一員織染局大使副

使各一員雜造局大使副使各一員府倉大使副使各

一員惠民藥局提領一員稅務提領一員大使副使各

一員錄事司一員 正八品凡路府所治置一司以掌城中戶民之事 案唐宋以來諸節鎮

所轄四城分爲四廂以錄事參軍治之即郡主簿之職
權甚輕止於勸農事與水利而已唐末始廢四廂參軍
置錄事司儒學教授一員九品學正學錄各一員蒙古教授一

員正九品醫學教授陰陽教授各一員領縣二中縣至元三年

定六千戶之上者爲上縣二千戶之上者爲中縣
中縣不及二千者爲下縣廣德建平爲中縣置達魯花

赤一員正七品縣尹一員不置丞簿尉各一員典史二員巡

檢司巡檢一員從九品以上百官志學正學錄各一員此見選舉志

廣德路達魯花赤案元史路縣俱置達魯花赤以蒙古色目人爲之視篆監臨通志俗亦謂之監

州以漢人南人爲守副之皆稱總管扶溝志云達魯花赤猶言荷包上壓口襟子蓋取統轄之義

順普延祐元年達魯花赤見事要

瓜都延祐中任達魯花赤見萬曆志及事要

案萬曆諸志順普瓜都俱云爲達魯花赤不言路

及縣楊李等志俱列廣德路下福山事要序云延祐

辛亥達魯花赤順普同知郡事某云云序順普于知

郡之上則順普爲路無疑

阿魯渾海牙廉惠山海牙之父廣德路達魯花赤見元史廉惠山海牙傳案廉惠山海牙至治三

年進士則其父當於延祐或至治間任也舊志失載今增

哈那海天曆二年監郡見僕文質無一禪師銘舊志失載今增

廣德路總管

趙宣武 至元十三年任 志失載從事要增 舊

范仁 至大年廣德路總管 舊志失載從事要增

僕文質 字孟彬號節齋高昌人延祐元年廣德路總管 順帝至元三年官通議大夫同知廣西兩江道

宣慰使司事副都元帥見無一禪師 銘又見李洞太平興龍寺碑詳宦績

方回 字希顏為廣德路總管兼府尹見萬歷志

秦良 嘉議大夫元統間為廣德路總管兼勸農事見萬歷志及太平興龍寺碑

史烜 字正明真定人鎮陽王孫延祐四年廣德路總管詳宦績 案烜萬歷志李志誤作坦楊志作

烜南畿志通志作史正明今從牟應龍樂器記

蘇政 知廣德路政尚簡易民甚戴之見萬歷志

案元史順帝紀至正十三年十月庚戌從帖里帖木

兒左答納失里之請授方國珍徽州路治中國璋廣

德路治中國瑛信州路治中督遣之國珍疑懼不受

命考官志下路不置治中而同知如治中之秩此以

國璋為治中蓋一時權制使方氏兄弟分置閒散耳

國璋抗不之任姑附于此

同知 通志總管之下有以回回人充之

孛羅大 同知 楊門等志孛誤作李今從萬歷志

忽林 同知見萬歷志下同

馬合謨

同知

判官

推官以下附

翟良臣

延祐中判廣德路萬厯等志作翟良今據祠山事要序改正

秦德用

博陵人承直郎至元十八年判廣德路詳宦績

以上判官

趙亨

延祐中為廣德路推官見萬厯志下同

張述

推官

以上推官

田實

經歷

沈天祐

字吉甫杭州人延祐中登仕郎為廣德路總管府知事萬厯諸志作沈天福事要作天祐案

學署明倫堂有皇元廣德路修建廟學記碑僅存上半截後列名提控案牘陳仁上有天佑字疑沈名旁

从立人不从示也

陳徵

知事

楊萬里

參知軍事萬厯楊門志俱無李志始載之然廣德為路不得言參軍未知何所據也

黃世榮

司獄

以上經歷知事司獄

李昇

司戶案萬厯楊志俱無此人李志始載之然廣德路並無司戶即萬戶府亦無之不知何據

王叔明

舉明經同知廣德事遂世居焉見萬厯志案元無明經科故楊門志徑刪之李志列明同知

末夫萬厯志載之則非明末同知明矣疑是明初人而亦無考附見于此亦仍其舊也

教授

馬元壽

延祐中任見萬厯志下同案馬趙二人楊門志刪去任年李志錄之是也

趙由雋 延祐中任

陶坑

陳圭孫 案萬厯志此下列學正陳垚今明倫堂元廟學記半截碑其後列名學錄鄭禾上有垚孫二字

然則教授有名垚孫傳寫者脫一土字而又誤分陳垚為學正也今無從參核姑仍之

俞師魯 字唯道婺源人至治中薦授廣德路學教授改松江府知事 舊志失載據徽州府志增

學正

陳垚 案垚與堯同廣韻五聊切楊門諸志妄改為世今從萬厯志

學錄

蔣來孫 延祐間任 見樂器記

鄭禾 案修建廟學記列其名

邵 萬厯志逸其姓季志遂刪去之非也

潘著 字澤民嘉興人受易于竹岡葉氏再從吳朝陽氏受春秋中鄉試備榜補吳郡甫里書院直學

尋為廣德學錄終湖州路儒學正貢師泰志墓 舊志失載據玩齋集增

吳俊 本路人貢士任本路學錄舊志失載據萬厯選舉志增

朱庭桂 本路人延祐三年為郡庠直學 舊志失載從太平興龍寺碑增 案直學蓋即山長之類故

附於此

錄事司 無考

案元史世祖紀至元二十八年八月己巳罷廣德路

錄事司是年二月己酉立江淮湖廣江西四川等處
 行樞密院江淮行樞密院治廣德路五月壬寅徙治
 建康其立治不久即徙又繼以罷錄事司必自有故
 考百官志云中統二年照驗二千戶以上設錄事司
 候判官各一員若城市民少則不置司歸之倚郭縣
 則知因城市民少罷也

廣德縣達魯花赤

蠻子

武宗至大年任 案沈天祐祠山事要序稱郡守范仁與達魯花赤蠻子會同僚屬祈雨祠山
序蠻子于郡守之下知是廣德縣之達魯花赤也 舊志失載今增

案元縣令簿舊志絕無其人今搜補一二有郡士鈔

一詩云是侯俊上韋令者令名敬澤字石泉元貞間
 由進士攝廣德有美政興學築堤民皆樂業三載告
 歸士民遮留不得乃命其次子居焉考成宗元貞間
 未嘗開科不得有進士又不詳其原籍侯俊名亦不
 顯未知何所本也附之以俟博考

廣德縣主簿

縣尹以下俱無考

牟應龍

撰釋奠雅樂記 舊志失載據明一統志增

廣德縣學訓導

吳 綸

案萬厯等志俱載訓導吳綸考元史選舉志選舉附錄鄉試備榜授郡學錄學正山長及縣教諭不聞有訓導也姑仍其舊書之

建平縣達魯花赤

沙 班 延祐間任見楊志下同

搭察兒 順帝至元間任

建平縣尹

王 勉 字懋德婺州人元德間任詳宦績

高 璧 濟寧人至元間任詳宦績

建平縣主簿 尉無考

驢 驢 至元間任

建平縣典史

黃文德 至元間任

建平縣學教諭

胡定國 大德七年任見楊志詳宦績

